

مؤسسی : ابن السری
مصطفی نایق

مدیری : ابن السری
احمد جودت

آشیان

ادبی، علمی، اخلاقی ہفتہ لاق مجموعہ در

برنجی جلد

نومرو ۳

برنجی سندھ

۲۸ شعبان ۱۳۲۶


۱۱ ایلول ۱۳۲۴

استانبول

محل ادارہ سی : جفال اوغندہ دائرہ مخصوصہ

مطبعہ عامرہ

۱۳۲۴



عفو

— مابعد —

نه قصه بڼې ، نه ده هو برك او طور د بڼې یری بیلیردم . حتی ایکی سته د نبرې کندی سنی بيله کورمه مشدم . شیمدی اونې کورمه کیدرکن ایچمه غیر اختیاری بر قورقو واردی . اوکا هیچ برشی صور مامغه قرار ویره مشدم ؛ فقط اوایسترسه اوکا اخوت قدیمه مک اولانجه قوتيله ، اولانجه سوق مرحتی ايله معاونت ایده جکدم . بکا قلبی آچه جغنی کس دی ریورددم : کیم بیایر بوقلبده نهلر ، نه بیوک الملر ، اضطرابلر کورمه جکدم . هو بری اوليله بر آن ایچده مسلیکندن فراغه مجبور ایدن سبب — هیهات که — بنمده شبهه می دعوت ایتش ، کیمسه بیلمه دن زوالی یی چاریان بودرین فاجعه حیالک دهشتی چوق دمه لر بنمده نظر خیالم اوکندن کچمشدر .

مع مافیه کندی سنی دوشونمکله برابر زوجه سنه چکدیر دکلرینی ده دوشونمک ایلدن کلیوردی . سیما منده دائمی نارین و محترص برچو جوق لطافتی کورون اوکنج قادین زینت و احتشاه اولان میل مفرطيله ، انسانی کنندینه مفتون ایدن ضعف ورقتلريله دائما کوزمک اوکنده طور یوردی ؛ بردست خشینک ضربه قهريله دوشدیکي بومحسب اضطرابی عجب ناصل تاقی ایتشدی ؟ اوت محبس اضطراب ! چونکه بویه اوزاق و تنهاسا برکوشده سسمیز ، صدامز براولومه نهایت بولان بو حیات بر مجازاته پک بکزه یوردی . بنی اصل قورقونان شی ؛ هو برك اخلاقده کی سرتلک ، طوغر و لقی ایدی ، بووقعه ذهنمده بیلمم ناصل اشکجه لرله اوزوالی قادینک موجودیت معنویه سی رنجیده ایدلیدی احتمالاتی او یاندر — ییوردی ؛ فقط حوصله ممکن دکل بونی قبول و تصویب ایت یوردی . هو بره قارشى بسله دیکم تقدیر و حرمته اوزمان ایلک دفعه اولقی اوزره برشائبه شبهه و احتراز عارض اولمشدی . یالکیز مکتوبنده کی اخوت امنیت بخش اولویوردی ؛ چونکه مکتوبک مندرجاتنده اوليله درین برشفقت واردی که بونی یازان آدمک قابنی عشقه ، محبته بیکانه تصور ایتک ممکن دکلدی .

استاسیونه چقدیغ زمان بر آراه بڼی بکله یوردی . آراه جی یانمکاه برك

هوېرلك ايكې اوج سطرالق برتذكره سنى وېردى . مهم بر اجتماع اېچون جواد بر قصبه ده كې مقاولات محررينك اداره خانه سنده قله جغنى ، كندوسنى اوراده بوله جغنى بيان ايدييوردي .

بوله قوبولدى . بوتون كون ياغان ياغموردن صوكره ، شيمدى انقده طوبلانان بولو طلك آلتنده صاريشين بر كوش اوتيه برى به طاغيلمش سياه تبه جكلره ، اورمانلره ، چايرلره مزېن ، واسع بروادىنك سطح نملك وموجه دارى تنوير ايدييوردي . بو يرلرى طانيدىغى سويله مشدم ؛ فقط هوېر آره صيره يازدىنى مكنوبلر ده بكا بو يرلر حقنده معلومات وېر مشدى ، شيمدى بو طوبراغك بر چوق طرفلرېنه آشنا چيقيوردى . يولده كيدر كن آراهه جينك سويله ديكى اسملر هوېرلك اكثريا مكنوبلر نده اكلاتدىنى سيرانلرى ، تنزهلرى خاطر لالا تيوردى . ايلر بلجكه اورته لق دها بوش ، دها تنها اوليور ، اورمانلره دها صيق ، كويلره دها نادر تصادف ايدييوردي . يوقوش يوقارى چيقيوردى . بولنديغىمىز نقطه دن آشاغى به باقنجه اووه سى كنىش بر سطح منظورم اوليوردي . بو اويله ، غير منبت بر وحشتزار ، بر چول دكلدى . افقه ياقلاش دقجه مائلمش سياه ، سنجابى اورمانلريله - بللى كه - عظيم وخروشان بر قوه ناميه به مالكدى . كندى كندىچمه : « بو يرلر نه قدر تنها ، نه قدر آسوده ! » دييور ، وقوه خيالىمى بردن اون سنه اوله ارجاع ايده رك اوراده هوېرايله زوجه سنك شو ايزبه وسسسز كوشه به چكلمك اېچون ترك ايندكارى حيات گذشته يي دوش ونيوردى . او حيات بو زوج وزوجه نك بوتون اذواق وآمانى بمنون ايده جك صورتده تنظيم ايدلشدى ؛ اولر بو حيانه ياكز تلذذات حقيقه لرېنه دكل ، بلنكه بوكون صالون عالمر نده واسطه سعادت فرض اولونان اعزت نفس اوقشاجى بيكلر به اذواقده نائل اولمشلر ، خلاصه كوزل ، سويلى ، مسعود بر عائله تشكيل اتمشلردى .

هوېر بندن بر سنه اول اولمشدى . يكرمى طقوز ياشنده ايكن يوزباشى اولمشدى . مكن بدن صنفك برنجيسى اوله رق چيقدى ؛ فقط نه بو سربيع ترقى ، نه ده اسقبالك حس اولونان بار لافلى آرقداشلىنك نظر حسدى جلب ايتيوردي ؛ چونكه مسلكى ، اخلاقى هر كى مجبور احترام ايدييوردي ، زوجه سنى تاهلن اول

طایمازدم . برقیش پارسیده بولندیغوز صیرهده هو برک زوجه سی صفتیله کورم شدم ،
 جیه جه اوقاق ، لطیف و نازک برقادیندی صاری به پک مائل یشیل برچفت ایری کوز ،
 سیاه کیرییکلر ، قاشلر ، طونوق بر دنک ، آره یرلرنده تک توك برقاچ تل پارلایان
 برکومه سیاه صاچ سیاهنه جاذبه دار برغرابت ویریوردی . برصالونده بولندیغی
 زمان قورقاق ، دها طوغر سی ساکت طوروردی . خصوصیت حیاتنده اون دها
 قاپالی ، دها طورغون بولم شدم . سائر وقتلر افراط درجهده شن و شاطر ، مختص
 و متجسس ، حسیات قلبیه سی سرکش ، کندی بر آرز وحشی و مردم کیز
 کورونوردی . بویله طاشقین زمانلر ده هو بر رحیم و سودا کار نظرلرله اوکا
 باقاردی . زوجه سی صوک درجه سودیکنی سویله که لزوم کورمیورم : فقط
 بیلم نه دن قادی صوئوق طورییوردی . . . یاخود بکا اویله کلیوردی . کیم
 بیلمر بلکه هنوز محبت نه اولدیغی بیلمیوردی ، چونکه دها کنج بر قیزدی .
 ازدواجلرینک ایکنجی سنه سی برارکک ، ایکی سنه صوکره بر قیز چو جوقلری
 اولدی . سعادتلری آرتق تمام اولمش کبی کورونیوردی . بن اوزاقدن اونلرک
 خبر سعادتلریله متلذذ اولیوردم . چونکه او آره لق بن ده تأهل ایده رک مادریده کی
 مأموریتیه کیتمشدم . فقط هیات که او زمانه قدر ذوقدن ، سادتن باشقه
 برشی بیلمین بوغائله یه یاواش یاراش فلاکت ده کیرمکه باشلا یوردی : قیزلری
 دها هنوز اوچ یاشنده مینی مینی بریاورو ایکن اللرندن اوچشدی . ایکسی ده
 درین بر یأس و کدره طالایلر . بو فلاکتدن صوکره زوالایلره تسلیت ایچون
 کلنلرک سوبلمک ایستدکلری مترجمانه ، مودتکارانه سوزلره قارشى او کنج
 والدهنک سیاهنی قاپلایان خشیت و حیرتی حالا اونوته م . هو بر بو فلاکت دها
 دیندارانه بر توکل و تسلیمیتله تحمل ایتمشدی . حتی زوجه سنک بومصیتی
 بوسبوتون باشقه بر یولده تلقی ایتدیکنی کورونجه کدری آرتغی باشلامشدی .
 برکون بکا بونی اعتراف ایدرکن دیوردی که :

— « قایی آرتق هرشیئه ، حتی بنم محبت و شفقتمه بیله قاپاندی آرتق
 برلکده مضطرب اولیوروز و بو آیری حس ایتک عذابى اصل اضطرابی
 آرتدیریور . . . »